



Na osnovu člana 33. Statuta JU Služba za zapošljavanje Zeničko-dobojskog kantona („Sl. novine Zeničko-dobojskog kantona“, broj: 14/06, 1/11, 2/12 i 7/15) i Akta Ministarstva za rad, socijalnu politiku i izbjeglice ZDK, broj: 09-34-13733-1/16. od 03.08.2016. godine, JU Služba za zapošljavanje ZDK *objavljuje*,

### **JAVNI POZIV POSLODAVCIMA**

**da se prijave za učešće u Programu sufinansiranja VSS; SSS i KV mladih osoba bez radnog iskustva u 2016/2017. godini iz grant sredstava Vlade ZDK**

U cilju realizacije Programa sufinansiranja VSS; SSS i KV mladih osoba bez radnog iskustva u 2016/2017. godini iz grant sredstava Vlade ZDK pozivaju se poslodavci koji su zainteresirani da uz finansijsku podršku zaposle mlade osobe bez radnog iskustva, starosne dobi do 35 godina, sa evidencije nezaposlenih u JU Služba za zapošljavanje ZDK, da se prijave na javni poziv.

#### **Ciljna grupa**

Nezaposlene osobe mlađe od 35 godina:

- visoke stručne spreme (VSS),
- srednje stručne spreme (SSS/KV – IV/III stepena),
- prijavljene na evidenciju Službe za zapošljavanje ZDK, najmanje 30 dana prije objavljivanja javnog poziva i
- bez radnog iskustva u struci i spremi.

#### **Podsticajne mjere**

Za Program sufinansiranja zapošljavanja mladih osoba bez radnog iskustva planiran je ukupan iznos sredstava od 690.000,00 KM, a od čega je predviđeno 480.000,00 KM za sufinansiranje zapošljavanja VSS pripravnika i 210.000,00 KM za sufinansiranje zapošljavanja nezaposlenih osoba SSS/KV pripravnika, i to za:

- sufinansiranje zapošljavanja mladih nezaposlenih osoba visoke stručne spreme (VSS) u trajanju od 12 mjeseci u iznosu od 400,00 KM mjesečno, a koji obuhvata dio troškova obaveznih doprinosa i/ili dijela neto mjesečne plaće pripravnika,
- sufinansiranje zapošljavanja mladih nezaposlenih osoba srednje stručne spreme (SSS/KV-IV/III stepena) u trajanju od šest mjeseci u iznosu od 350,00 KM mjesečno, a koji obuhvata dio troškova obaveznih doprinosa i/ili dijela neto mjesečne plaće pripravnika.

#### **Raspodjela sredstava**

Pri raspodjeli sredstava realnom i javnom sektoru poslodavcima iz javnog sektora ne može se odobriti veći iznos od 30 % ukupno raspoloživih sredstava.

Uvažavajući princip globalne raspodjele sredstava i međuopćinske solidarnosti vodiće se računa o pravičnoj raspodjeli sredstava po općinama Kantona, s obzirom na ukupan broj nezaposlenih osoba i uplate doprinosa za osiguranje od nezaposlenosti.

Poslodavcima se ne može odobriti sufinansiranje većeg broja mladih nezaposlenih osoba dok svi poslodavci koji ispunjavaju uvjete javnog oglasa nisu ostvarili pravo na sufinansiranje jedne osobe.

**Kriteriji za bodovanje zahtjeva u realizaciji Programa sufinansiranja zapošljavanja mladih osoba bez radnog iskustva u 2016/2017. godini iz grant sredstava Vlade ZDK**

**a) Vrsta poslovne aktivnosti / vrsta poslodavca:**

Red. br.	Poslovna aktivnost / vrsta poslodavca	Broj bodova
1	Proizvodna djelatnost	4
2	Poljoprivredni sektor	3
3	Proizvodno ili uslužno zanatstvo	2
4	Ostalo	1

**b) Postojeća zaposlenost:**

Red. br.	Broj zaposlenih radnika kod poslodavca	Broj bodova
1.	1 – 5	1
2.	6 – 15	2
3.	16 – 20	3
4.	21 – 30	4
5.	31 i više	5

**c) Korištenje poticaja**

Red. br.	Bodovi iz osnova ranijeg korištenja novčanih poticaja	Broj bodova
1.	Poslodavac koji je u ranijem periodu koristio poticaje Službe, FZZZ i Kantona i zadržao sufinansirane osobe u radnom odnosu dužem od trajanja subvencije	2
2.	Poslodavac koji do sada nije koristio podsticajna sredstva javnih službi za zapošljavanje	3

**d) Korektivni kriterij:** Zapošljavanje posebnih kategorija nezaposlenih osoba

- Kod zahtjeva sa istim brojem bodova, prednost će imati zahtjevi kojima se traži sufinansiranje zapošljavanja osoba iz kategorija: djeca šehida-poginulih boraca, djeca ratnih vojnih invalida, djeca demobiliziranih boraca, osobe sa posebnim potrebama, djeca samohranih roditelja i to po redosljedu prednosti kako je navedeno u ovoj tački.

**Prijava na Javni poziv**

Uz prijavu na Javni poziv, pravno lice podnosi Službi slijedeće dokumente:

- Popunjen **Obrazac** „Potrebe za mladim osobama za koje se podnosi Prijava na Javni poziv“. (Forma ovog obrasca kao i obrasca Prijave za učešće u Programu i na javnom pozivu je dostupna u nadležnim općinskim biroima rada, Upravi Službe i na web stranici Službe);
- kopiju aktualnog izvoda iz sudskog registra za obavljanje djelatnosti ili ovjerenu kopiju rješenja o registraciji samostalne djelatnosti;
- Kopiju uvjerenja o poreznoj registraciji;
- Broj transakcijskog računa u poslovnoj banci na koji će se sredstva doznačiti,
- Kopiju deponovanih potpisa ovlaštenih osoba;

- Uvjerenje nadležne Porezne uprave o izmirenim poreskim obavezama, doprinosima za penzijsko i invalidsko, zdravstveno osiguranje i osiguranje za slučaj nezaposlenosti, ne starije od 30 dana;
- Uvjerenje nadležne Porezne uprave o trenutnom broju zaposlenih osoba;
- Odluku o prijemu novih radnika u radni odnos na određeno vrijeme (dostavlja se po odobranju sredstava po Programu);
- **Ovjerene izjave:**
  - da će osobu, čije se zapošljavanje sufinansira, sa VSS spremom zadržati u radnom odnosu najmanje 12 mjeseci, odnosno sa SSS/KV spremom – IV/III stepena najmanje 6 mjeseci;
  - da neće otpustiti postojeće zaposlenike radi zapošljavanja novih osoba po Programu, osim u zakonom opravdanim slučajevima (penzionisanje, otkaz zbog teže povrede radnih obaveza i dr.).

Poslodavci koji uredno ne izmiruju obaveze prema javnim prihodima ili koji nemaju zaposlenika prijavljenih u nadležnoj Poreznoj upravi, ne mogu učestvovati u ovom Programu.

### **Prioriteti kod odobranja sredstava**

Kod odobranja sredstava poslodavcima, pored utvrđenih globalnih principa i kriterija iz tačke 5. Progama, pod istim uslovima prioritet će imati poslodavci u:

- proizvodnoj djelatnosti,
- poljoprivredi,
- proizvodnom i uslužnom zanatstvu i
- ostalo.

### **Sredstva po ovom programu mogu /ne mogu koristiti:**

Na ovaj program mogu aplicirati svi poslodavci sa područja Zeničko-dobojskog kantona (u daljem tekstu: Kanton) koji ispunjavaju tražene uslove iz javnog poziva, izuzev poslodavaca koji zapošljavanje vrše u skladu sa Zakonom o državnoj službi i Zakonom o policijskim službenicima, kao i poslodavci koji sredstva za plaće obezbjeđuju iz budžeta.

Programom se neće obuhvatiti poslodavci koji su u ranijem periodu koristili poticajna finansijska sredstva Federalnog zavoda za zapošljavanje, Kantona ili Službe a nisu ispoštovali svoje ranije ugovorne obaveze kao i poslodavci kod kojih su zatečeni radnici bez zasnivanja radnog odnosa „rad na crno“.

U slučaju nepodnošenja dovoljno odgovarajućih zahtjeva za sufinansiranjem zapošljavanja jedne stručne spreme, sredstva će se preusmjeriti za sufinansiranje one stručne spreme za koju je podneseno više zahtjeva od odobrenog iznosa.

### **Obaveze poslodavca**

Ugovor o sufinansiranju zapošljavanja po ovom Programu potpisat će se između Ministarstva za rad, socijalnu politiku i izbjeglice (u daljem tekstu: Ministarstvo), Službe i svakog poslodavca pojedinačno. U narednom periodu, a najdalje 30 dana od potpisivanja ugovora o sufinansiranju zapošljavanja, poslodavac Službi dostavlja:

- ugovor o radu na određeno vrijeme sa osobom iz ciljne grupe čije se zapošljavanje sufinansira, u trajanju od:
  - 12 mjeseci za osobe sa visokom stručnom spremom (VSS), s tim da ugovor o radu ne može biti zaključen prije potpisivanja ugovora o sufinansiranju zapošljavanja,
  - 6 mjeseci za osobe sa srednjom stručnom spremom (SSS/KV – IV/III stepena), a ugovor o radu ne može biti zaključen prije potpisivanja ugovora o sufinansiranju zapošljavanja.
- kopiju prijave na obavezna osiguranja u nadležnoj Poreznoj upravi (obrazac JS 3100),
- kopiju diplome za osobu koja se zapošljava i sufinansira,
- uvjerenje nadležnog općinskog biroa rada da je osoba, čije se zapošljavanje sufinansira, brisana sa evidencije nezaposlenih,
- izjavu osobe koja se zapošljava da je upoznata sa uslovima Programa,
- dokaz od sufinansirane osobe o ispunjavanju uslova za Korektivni kriterij.

Ostale obaveze poslodavca nakon potpisivanja Ugovora su:

- isplatiti osobi, čije se zapošljavanje sufinansira, neto plaću u skladu sa zakonskim propisima i izvršiti uplatu zakonom propisanih poreza i doprinosa (penzijskog i invalidskog, zdravstvenog i osiguranja za slučaj nezaposlenosti i dr.), uz napomenu da sufinansirana osoba ima i sva druga prava iz radnog odnosa (topli obrok, godišnji odmor i dr.),
- u toku 12 mjeseci za osobe, čije se zapošljavanje sufinansira sa visokom stručnom spremom (VSS), odnosno 6 mjeseci za osobe, čije se zapošljavanje sufinansira, sa srednjom stručnom spremom (SSS/KV – IV/III stepena), najkasnije do kraja narednog mjeseca za protekli mjesec, dostavljati dokaze o isplaćenim plaćama i uplaćenim porezima i doprinosima za sufinansirane osobe (njihove svojeručno potpisane i ovjerene platne liste, zbirne specifikacije plaća ovjerene u nadležnoj Poreznoj upravi i uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.) i
- obavijestiti Službu za zapošljavanje o svakoj promjeni koja se može odraziti na izvršenje ugovornih obaveza potpisnika ugovora u roku od 15 dana.

### **Obaveze Službe**

U okviru realizacije Programa, Služba će:

- nakon zaključenja ugovora sa poslodavcem o sufinansiranju zapošljavanja osoba iz ciljne grupe i nakon kompletiranja preostale tražene dokumentacije iz javnog poziva, poslodavcima isplaćivati sredstva retroaktivno za prvi mjesec, a zatim u istom iznosu sredstva za svaki naredni mjesec do isteka ugovorene obaveze sufinansiranja, a na osnovu dostavljene dokumentacije od strane poslodavca: platne liste potpisane od strane sufinansirane osobe, Zbirne specifikacije plaća ovjerene u nadležnoj Poreznoj upravi i uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.
- raskinuti ugovor o sufinansiranju zapošljavanja sa poslodavcima koji se ne pridržavaju ugovorom preuzetih obaveza.

Prijave na javni poziv sa potrebnom dokumentacijom dostavljaju se u Službu putem nadležnih općinskih biroa rada ili neposredno ili poštom, sa naznakom „prijava na javni poziv za učešće u Programu sufinansiranja zapošljavanja mladih osoba bez radnog iskustva u 2016/2017. godini iz grant sredstava Vlade ZDK“, na adresu:

**1. JU „Služba za zapošljavanje Zeničko-dobojskog kantona“, Adolfa Goldbergera br. 6, 72000 Zenica, 032/448-200**

Rok za podnošenje Prijava na javni poziv je 15 dana od dana objavljivanja javnog poziva u sredstvima javnog informiranja: dnevnim novinama „Dnevni avaz“, Web stranici Kantona i Web stranici Službe.

Prijave na javni poziv i Program sa nekompletnom dokumentacijom neće se uzeti u razmatranje.

Obrasci za apliciranje na javni poziv i Program dostupni su u nadležnom općinskom birou rada, upravi Službe u Zenici i na web stranici Službe: [www.zdk-szz.ba](http://www.zdk-szz.ba)